

«Մեր կյանքը և ծառայությունը» հանդիպման ձեռնարկի հղումներ

ՍԵՊՏԵՄԲԵՐԻ 5-11

**ԳԱՆՁԵՐ ԱՍՏԾՈՒ ԽՈՍԲԷՑ | 1 ԹԱԳԱ-
ՎՈՐՆԵՐ 9-10**

**«Գովաբանի Եհովային իր իմաստութ-
յան համար»**

ԿՐԻ 7/1, Էջ 30, պրբ. 6
Անմոռանալի այցելություն

Երբ թագուհին եկավ Սողոմոնի մոտ, սկսեց «դժվար հարցերով» փորձել նրան (1 Թագա-վորներ 10:1): Այստեղ օգտագործված երբա-յերեն բառը կարող է թարգմանվել «հանե-լուկներ»: Բայց դա չի նշանակում, որ թագու-հին խաղ էր անում Սողոմոնի հետ: Հետաքրք-րական է, որ Սաղմոս 49:4-ում նույն երբա-յերեն բառը օգտագործվում է այնպիսի կա-րևոր հարցերի առնչությամբ, ինչպիսիք են մեղքը, մահը և փրկագինը: Հետևաբար Սաբայի թագուհին Սողոմոնի հետ, ամենայն հավանականությամբ, խորը թեմաներ էր քննարկում, որոնք բացահայտում էին նրա իմաստությունը: Աստվածաշնչում նշվում է, որ Սաբայի թագուհին «սկսեց խոսել նրա հետ այն ամենի մասին, ինչ կար իր սրտում»: Սո-ղոմոնն էլ «պատասխանում էր թագուհու բո-լոր հարցերին: Չկար մի հարց, որին թագավո-րը չկարողանար պատասխանել» (1 Թագա-վորներ 10:2բ, 3):

ԿՐԻ 11/1, Էջ 20, պրբ. 6
Առատաձեռնության լավ օրինակ

Թագուհին այնքան էր տպավորվել իր լսա-ծից ու տեսածից, որ ասաց. «Ի՛նչ երջանիկ են քո ծառաները, որ միշտ կանգնում են քո առաջ ու քո իմաստությունն են լսում» (1 Թա-գավորներ 10:4-8): Նա Սողոմոնի ծառանե-րին երջանիկ անվանեց ոչ թե այն պատճա-ռով, որ ճիստությամբ էին շրջապատված, այլ քանի որ կարող էին ամեն օր լսել Սողոմոնի՝ աստվածատուր իմաստությունից բխող խոս-

քերը: Սաբայի թագուհին հրաշալի օրինակ է Աստծու այն ծառաների համար, որոնց հիաց-մունք է պատճառում Ստեղծչի և նրա Որդու՝ Հիսուս Քրիստոսի իմաստությունը:

ԿՐԻ 7/1, Էջ 30-31
Անմոռանալի այցելություն

Սաբայի թագուհին այնքան էր տպավորվել Սողոմոնի իմաստությամբ և նրա թագա-վորության մեջ տիրող բարեկեցությամբ, որ «նրա մեջ շունչ չմնաց» (1 Թագավորներ 10:4, 5): Ոմանց կարծիքով՝ այս արտահայ-տությունը նշանակում է, որ թագուհին զարմանքից «շունչը պահել էր»: Մի աստվա-ծաշնչագետ նույնիսկ ասում է, որ նա ուշա-թափվել էր: Փաստն այն է, որ թագուհին ապ-շել էր իր տեսածից ու լսածից: Նա Սողոմոնի ծառաներին երջանիկ անվանեց, քանի որ կա-րող էին լսել թագավորի իմաստուն խոսքերը, և օրհնեց Եհովային, որ Սողոմոնին թագա-վոր էր դարձրել: Այնուհետև նա թանկարժեք նվերներ տվեց թագավորին: Միայն ոսկու արժեքը այժմյան դրամական համակարգով կազմում էր մոտ 40 000 000 ԱՄՆ դոլար: Սո-ղոմոնը նույնպես նվերներ տվեց թագուհուն. նրան տվեց «այն ամենը, ինչ նա ցանկացավ ու խնդրեց» (1 Թագավորներ 10:6-13):

Հոգևոր գանձեր

ԿՐԻ 11/1, Էջ 22, պրբ. 4-6
Գիտելի՞ք արդյոք

Որքա՞ն ոսկի ուներ Սողոմոն թագավորը
Աստվածաշնչում գրված է, որ Տյուրոսի Քիրամ թագավորը չորս տոննա ոսկի է ուղարկել Սո-ղոմոնին: Սաբայի թագուհին նույնպես այդ-չափ ոսկի է տվել նրան, և վերջինիս նավերը ավելի քան 14 տոննա ոսկի են բերել Օֆիրից: Այդ մասին կարդում ենք. «Մէկ տարուհայ միջո-ցին Սողոմոնի համար եկած ոսկիի կշիռն էր վեց հարիւր վաթսուներեկեց տաղանդ ոսկի», կամ՝ ավելի քան 22 տոննա ոսկի (Գ Թագաւորաց

9:14, 28; 10:10, 14): Արդյո՞ք այդպես է եղել: Որքա՞ն ոսկի ուներ թագավորը:

Աստվածաշնչագետների կողմից հաստատված հավաստի մի հին ձեռագրում նշվում է, որ Եգիպտոսի Թուֆնոս III թագավորը (մ.թ.ա. երկրորդ հազարամյակ) մոտ 12 տոննա ոսկի նվիրաբերեց Կաոնակի Ամուն-ոա տաճարին: Մ.թ.ա. ութերորդ դարի ընթացքում Ասորեստանի Թգլատպալասար III թագավորը ավելի քան 4 տոննա ոսկի ստացավ Տյուրոսից որպես տուրք, իսկ Սարգոն II-ը այդչափ ոսկի նվիրեց Բաբելոնի աստվածներին: Մակեդոնիայի Ֆիլիպ II թագավորը (մ.թ.ա. 359–336) ամեն տարի Թրակիայի Պանջաունի հանքերից ավելի քան 25 տոննա ոսկի է ստացել:

Երբ Ֆիլիպի որդին՝ Ալեքսանդր Մակեդոնացին (մ.թ.ա. 336–323), գրավեց պարսկական Շոշ քաղաքը, նա մոտ 1070 տոննա ոսկի բերեց այդտեղից և գրեթե 7000 տոննա ոսկի էլ՝ ամբողջ Պարսկաստանից: Ուստի երբ Աստվածաշնչի հաղորդագրությունը համեմատում ենք վերոհիշյալ արձանագրությունների հետ, տեսնում ենք, որ Սողոմոն թագավորի ունեցած ոսկու մասին տեղեկությունը չափազանցված չէ:

ՍԵՊՏԵՄԲԵՐԻ 12–18

ԳԱՆՁԵՐ ԱՍՏԾՈՒ ԽՈՍԲԻՑ | 1 ԹԱԳԱՎՈՐՆԵՐ 11–12

«Իմաստությամբ ընտրիր կողակից»

w18.07, էջ 18, պրբ. 7

«Ո՞վ է Եհովայի կողմը»

⁷ Շատ բան կարող ենք սովորել նաև Սողոմոնի օրինակից: Երիտասարդ տարիքում նա Եհովայից էր առաջնորդություն խնդրում: Աստված նրան մեծ իմաստություն տվեց և վստահեց Երուսաղեմի տաճարի շինարարությունը: Բայց Սողոմոնը կորցրեց Եհովայի հետ ունեցած մտերիմ փոխհարաբերությունները (1 Թագ. 3:12; 11:1, 2): Աստծու Օրեն-

քում հստակ գրված էր, որ թագավորը «իր կանանց թիվը չպետք է շատացնի, որպեսզի նրա սիրտը չապականվի» (2 Օրենք 17:17): Իսկ Սողոմոնը, խախտելով այս օրենքը, 700 կին առավ և 300 հարճ բերեց (1 Թագ. 11:3): Նրա կանանցից շատերը իսրայելացիներ չէին և կեղծ աստվածների էին պաշտում: Փաստորեն, Սողոմոնը խախտեց նաև այն օրենքը, որն արգելում էր ամուսնանալ օտարազգի կանանց հետ (2 Օրենք 7:3, 4):

w19.01, էջ 15, պրբ. 6

Ինչպե՞ս կարող ես պահպանել սիրտդ

⁶ Սատանան ուզում է, որ մենք դառնանք իր նման, այսինքն՝ ըմբոստ անձնավորություն, ով անտեսում է Եհովայի չափանիշները, և ում շարժիչ ուժը եսասիրությունն է: Նա չի կարող մեզ ստիպել, որ մտածենք և գործենք իր պես: Ուստի փորձում է իր նպատակին այլ ճանապարհներով հասնել: Օրինակ՝ նա մեզ շրջապատում է այնպիսի մարդկանցով, ում արդեն ապականել է (1 Հովի. 5:19): Սատանան հուշս ունի, որ մենք կորոշենք ժամանակ անցկացնել այդպիսի մարդկանց հետ, անգամ եթե գիտենք, որ վատ ընկերակցությունները «կապականեն» մեր միտքն ու վարքը (1 Կորնթ. 15:33): Սողոմոնին նա այդ մարտավարությամբ հաղթեց: Սողոմոնն ամուսնացավ բազմաթիվ հեթանոս կանանց հետ: Նրանք մեծ ազդեցություն ունեցան թագավորի վրա և «աստիճանաբար նրա սիրտը հեռացրին Աստծուց» (1 Թագ. 11:3):

w18.07, էջ 19, պրբ. 9

«Ո՞վ է Եհովայի կողմը»

⁹ Սակայն Եհովան աչք չի փակում մարդկանց մեղքերի վրա: Աստվածաշունչն ասում է. «Եհովայի բարկությունը բորբոքվեց Սողոմոնի դեմ, որովհետև նրա սիրտը խոտորվել էր Եհովայից... որը երկու անգամ հայտնվել էր նրան և պատվիրել, որ օտար աստվածների հետևից չգնա, բայց նա չպահեց Եհովայի պատվիրանը»: Սողոմոնը կորցրեց Եհովայի հավանությունն ու աջակցությունը: Նրանից հետո Իսրա-

յելի թագավորությունը երկու մասի բաժանվեց, ու նրա սերունդները իշխեցին միայն մի մասի վրա: Բացի այդ, իրենց իշխանության ընթացքում նրանք լուրջ խնդիրների բախվեցին (1 Թագ. 11:9–13):

Հոգևոր գանձեր

Մ18.06, էջ 14, պրք. 1–4

Նա կարող էր ստանալ Աստծու հավանությունը

Ժողովուրդը ապստամբեց: Ապստամբությունը ճնշելու նպատակով Ռոբովամը զորք հավաքեց: Սակայն Եհովան Սեմայիա մարգարեի միջոցով ասաց. «Մի՛ գնացեք ու մի՛ պատերազմեք ձեր եղբայրների՝ Իսրայելի որդիների դեմ: Բոլորդ հետ դարձեք ձեր տները, որովհետև այս բանը ինձանից եղավ» (1 Թագ. 12:21–24):

Չպատերազմել: Այս պատվերը հավանաբար մտահոգեց Ռոբովամին: Ժողովուրդն ի՞նչ կմտածեր թագավորի մասին, ով սպառնացել էր «խարազաններով պատժել» իր հպատակներին, բայց ոչ մի կերպ չճնշեց նրանց ապստամբությունը (համեմատիր 2 Տարեգրություն 13:7): Ինչևէ, թագավորն ու իր զորքը «հնազանդվեցին Եհովայի խոսքին և վերադարձան տուն, ինչպես որ Եհովան նրանց ասաց»:

Սրանից ի՞նչ կարող ենք սովորել: Աստծուն հնազանդվելը իմաստուն քայլ է, նույնիսկ եթե այդպես վարվելով՝ գուցե ծաղրուծանակի ենթարկվենք: Հնազանդությունը բերում է Աստծու հաճությունն ու օրհնությունը (2 Օրենք 28:2):

Արդյո՞ք Ռոբովամը օրհնվեց իր հնազանդության համար: Հրաժարվելով նորաստեղծ պետության դեմ պատերազմելուց՝ նա շարունակեց իշխել Հուդայի ու Բենիամինի ցեղերի վրա և սկսեց այդ տարածքներում քաղաքներ կառուցել: Նաև «լավ ամրացրեց» մի քանի քաղաքներ (2 Տար. 11:5–12): Եվ որ ամենակարևորն է, Ռոբովամի կյանքում եղավ մի շրջան, երբ նա պահում էր Եհովա-

յի օրենքները: Մինչ Հերոբովամի իշխանության տակ գտնվող տասցեղ թագավորությունը մխրճվում էր կռապաշտության մեջ, դրա բնակիչներից շատերը աջակցում էին Ռոբովամին՝ գալով Երուսաղեմ ու Եհովային երկրպագություն մատուցելով (2 Տար. 11:16, 17): Այդպիսով՝ Ռոբովամի հնազանդության շնորհիվ նրա թագավորական իշխանությունն ամրապնդվեց:

ՍԵՊՏԵՄԲԵՐԻ 19–25

ԳԱՆՁԵՐ ԱՍՏԾՈՒ ԽՈՍՔԻՑ | 1 ԹԱԳԱՎՈՐՆԵՐ 13–14

«Ինչո՞ւ է կարևոր լինել գոհ և համեստ»

Մ08 8/15, էջ 8, պրք. 4

Պահիր նվիրվածությունը՝ միավորված սրտով

⁴ Հերոբովամը ճշմարիտ Աստծու մարդուն ասում է. «Ինձ հետ եկ տուն, եւ ճաշիր, եւ ես քեզ պարգեւներ տամ» (Գ Թագ. 13:7): Ի՞նչ կանի այժմ մարգարեն: Կընդունի՞ թագավորի հրավերը այն բանից հետո, երբ ինքը նրան դատապարտական խոսքեր է ասել (Սաղ. 119:113, ՆԱ): Թե՛ կմերժի նրան, թեև թվում է, թե նա զղջում է: Հերոբովամը, անշուշտ, կարող է առատաձեռնորեն թանկարժեք նվերներ տալ իր ընկերներին: Եթե Աստծու մարգարեն իր սրտում փայփայել է սեր նյութականի հանդեպ, ապա թագավորի առաջարկը, ըստ ամենայնի, մեծ գաշթակղություն է նրա համար: Ինչևէ, Եհովան մարգարեին պատվիրել է. «Հաց չ'ուտես եւ ջուր չ'իմես եւ այն ճանապարհով ետ չ'դառնաս որով գնացիր»: Ուստի մարգարեն վճռականորեն պատասխանում է. «Եթե ինձ քո տան կեսն էլ տալու լինես, քեզ հետ չեմ ուտիլ եւ ջուր չեմ խմիլ այս տեղում»: Այնուհետև նա ուրիշ ճանապարհով հեռանում է Բեթելից (Գ Թագ. 13:8–10): Մարգարեի կայացրած որոշումից ի՞նչ ենք սովորում ամբողջ սրտով Աստծուն նվիրված լինելու մասին (Հոռմ. 15:4):

ՄՕՑ 8/15, Էջ 11, պրբ. 15

Պահիր նվիրվածությունդ՝ միավորված սրտով

¹⁵ Ուրիշ ի՞նչ կարող ենք սովորել Հուդայից եկած մարգարեի սխալից: Առակաց 3:5-ում կարդում ենք. «Տիրոջն ապաւինիր քո բոլոր սրտովը, եւ քո հասկացողութեանը մի վստահիր»: Առաջվա պես Եհովային ապավինելու փոխարեն՝ այդ մարգարեն այս անգամ ապավինեց իր դատողությանը: Այդ սխալի համար նա վճարեց կյանքով և կորցրեց Աստծու մոտ ունեցած իր բարի անունը: Ի՞նչ տպավորիչ կերպով է այս դեպքը շեշտում, թե որքան կարևոր է Եհովային ծառայել համեստորեն ու նվիրված:

ՄՕՑ 8/15, Էջ 9, պրբ. 10

Պահիր նվիրվածությունդ՝ միավորված սրտով

¹⁰ Հուդայից եկած մարգարեն պետք է որ կուահեր, որ ծեր մարգարեն խորամանկություն է բանեցնում: Նա կարող էր ինքն իրեն հարցնել. «Եթե Եհովան ինձ նոր հրահանգներ ունի տալու, ինչո՞ւ է հրեշտակին ուղարկում ուրիշի մոտ»: Մարգարեն կարող էր Եհովայից հետագա առաջնորդություն խնդրել, բայց Գրություններում այդ մասին ոչինչ չի նշվում: Այս ամենը անելու փոխարեն՝ «նա ետ դառաւ [ծեր մարդու] հետ եւ հաց կերաւ նորա տանը եւ ջուր խմեց»: Եհովային դա դուր չեկավ: Երբ խաբված մարգարեն վերջապես շարունակեց իր ճանապարհը դեպի տուն, մի առյուծ հանդիպեց նրան և սպանեց: Ի՞նչ ողբերգական ավարտ ունեցավ նրա՝ որպես մարգարեի ծառայությունը (Գ Թագ. 13:19-25):

Հոգևոր գանձեր

Մ10 7/1, Էջ 29, պրբ. 5

Նա մարդկանց մեջ լավն է փնտրում

Սակայն Գ Թագաւորաց 14:13 համարը մի շատ կարևոր բան է սովորեցնում Եհովայի մասին: Աբիայի մեջ ինչ-որ լավ բան «գտնուե-

ցաւ»: Դա նշանակում է, որ Եհովան քննեց Աբիայի սիրտը, մինչև որ բարության մի նշույլ գտավ: Ինչպես նշում է մի աստվածաշնչագետ, Աբիան միակ մարգարիտն էր «Լեռնային բլուրեղների կույտի մեջ»: Եհովան գնահատեց այդ բարությունը և վարձատրեց Աբիային՝ այդ չար ընտանիքից միայն նրան ողորմելով:

Ապրենք որպես քրիստոնյա

Գ 1/10, Էջ 8-9, շրջանակներ

Պարզ ու հավասարակշռված կյանքով ապրեք

Ի՞նչ աշխատանք կարող ես անել տնից դուրս

Մի քանի առաջարկ, որոնք գուցե օգտակար լինեն գործազրկության ժամանակ:

- Տան հսկիչ (երբ տանտերը գործուղման է կամ արձակուրդի և ցանկանում է, որ ինչ-որ մեկը լինի տանը)
- Մաքրություն՝ խանութներում, գրասենյակներում, տներում շինարարությունից, հրդեհից կամ տեղափոխությունից հետո, պատուհանների լվացում (գրասենյակներում և տներում), ինչպես նաև տարատեսակ աշխատանքներ տներում
- Վերանորոգում՝ հեծանիվներ, կենցաղային տեխնիկա (վերանորոգման ուղեցույցներ կարելի է գտնել, օրինակ, ինտերնետում)
- Տարատեսակ ծառայություններ (տների երեսպատում, դռների և կահույքի տեղադրում, ցանկապատի ներկում, տանիքի նորոգում)
- Գյուղատնտեսական աշխատանքներ՝ մշակաբույսերի ամեցում, բերքահավաք
- Բույսերի խնամք՝ գրասենյակներում, բանկերում, առևտրի կենտրոններում
- Ծեփերի ու շինությունների հսկողություն՝ պահակ, դռնապան (երբեմն տրամադրվում է անվճար բնակատեղի)

- Գորգերի մաքրում և լամինատե հատակի տեղադրում
- Թերթերի տարածում և առաքման այլ ծառայություններ
- Բեռների փոխադրում, պահեստավորում
- Կանաչապատում, ծառերի էտում, գազոնների մշակում, ծառահատում
- Դպրոցական ավտոբուսի վարորդ
- Լուսանկարչություն (դիմանկարներ և հանրային միջոցառումներ)
- Խայծերի վաճառք ձկնորսներին
- Ծառայություն ծառայության դիմաց (մեքենայի վերանորոգում գողման աշխատանքի դիմաց, կարուձևի աշխատանք ջրմուղագործության դիմաց)

Ավելի շատ տեղեկությունների համար տես «Արթնացե՛ք»-ի 1996թ. մարտի 8-ի թողարկումը, էջ 3–11 (անգլ., ռուս.):

Ի՞նչ աշխատանք կարող ես անել քո տանը

Նախաձեռնող եղիր: Ուշադիր եղիր, թե քո տարածքում մարդիկ ինչ կարիքներ ունեն: Կարող ես նաև հարևաններին հարցնել:

- Դայակություն, երեխայի խնամք
- Թարմ հյութերի, ալգոմ աճեցրած բանջարեղենի կամ ծաղիկների վաճառք
- Կարուձև, հագուստի վերանորոգում
- Դետալների պատրաստում
- Խմորեղենի և սննդի պատրաստում
- Շյուղագործություն, հելլենագործություն, մակրամե, կավագործություն և այլն
- Կահույքի պաստառապատում
- Ֆինանսական գործարքների տվյալների մուտքագրում, տեքստերի հավաքում, համակարգչային ծառայություններ
- Հեռախոսային օպերատոր
- Վարսահարդարում

- Բնակելի տարածքի վարձակալություն
- Գովազդային նամակների հասցեագրում և ուղարկում
- Մեքենաների լվացում և փայլեցում (հաճախորդը իր մեքենան բերում է ձեր տուն)
- Տնային կենդանիների խնամք և զբոսանք
- Փականների նորոգում և բանալիների պատրաստում

Նկատի առեք: Վերոհիշյալ գործերից շատերի հաշտարարությունները կարելի է անվճար կամ փոքր գումարով տեղադրել թերթերում և սուպերմարկետների թոուլցիկներում կամ փակցնել գովազդների համար նախատեսված ցուցատախտակների վրա:

ՍԵՊՏԵՄԲԵՐԻ 26– ՀՈԿՏԵՄԲԵՐԻ 2

ԳԱՆՁԵՐ ԱՍՏԾՈՒ ԽՈՍՔԻՑ | 1 ԹԱԳԱՎՈՐՆԵՐ 15–16

«Ասան քաջ էր. իսկ դո՞ւ»

W12 8/15, էջ 8, պրբ. 4

«Վարձատրություն կա ձեր գործերի համար»

Իսրայելը երկու թագավորությունների բաժանվելուց հետո 20 տարվա ընթացքում Հուդան ամբողջությամբ ապականվել էր հեթանոսական սովորություններով: Մ.թ.ա. 977-ին, երբ Ասան գահակալվեց, նույնիսկ արքունիքն էր պղծված քանանացիների պտղաբերության աստվածների երկրպագությամբ: Սակայն Ասայի թագավորության մասին ներշնչված տարեգրության մեջ կարդում ենք, որ նա «արեց այն, ինչը բարի ու ճիշտ էր իր Աստծու՝ Եհովայի աչքում»: Ասան «կործանեց օտար զոհասեղաններն ու բարձունքները, ջարդուփշուր արեց սուրբ սյուներն ու կոտրեց սուրբ ձողերը» (2 Տար. 14:2, 3): Նաև երկրից վոնդեց «տաճարային պողոտաներին», որոնք կրոնի անուկից սողոմական մեղքեր էին գործում: Ասան

չքավարարվեց դրանով: Նա ժողովրդին հորդորեց «փնտրել իրենց հայրերի Աստված Եհովային և պահել օրենքն ու պատվիրանները» (1 Թագ. 15:12, 13; 2 Տար. 14:4):

w17.03, էջ 19, պրբ. 7

Եհովային լիակատար սրտով ծառայիր

⁷ Մեզանից յուրաքանչյուրը կարող է քննել իր սիրտը, որպեսզի տեսնի, թե արդյոք այն լիովին նվիրված է Աստծուն: Հարցրու ինքդ քեզ. «Վճռե՞լ եմ հաճեցնել Եհովային, պաշտպանել ճշմարիտ երկրպագությանը և Աստծու ժողովրդի մեջ մաքրություն պահպանել»: Մտածիր, թե Ասան ինչ մեծ քաջություն պիտի դրսևորեր Մաաքայի՝ մայր թագուհու դեմ դուրս գալու համար: Թեև հնարավոր է՝ չհանդիպես այնպիսի մարդկանց, որոնք Մաաքայի պես են վարվում, սակայն գուցե այնպիսի իրավիճակ ստեղծվի, որում հարկավոր լինի Ասայի պես նախանձախնդիր լինել: Օրինակ՝ ի՞նչ կանես, եթե ընտանիքիդ անդամը կամ մտերիմ ընկերդ մեղք գործի, չգղջա և ընկերակցությունից զրկվի: Վճռական քայլեր կձեռնարկե՞ս, որ դադարես այդ անհատի հետ ընկերակցելուց: Քո սիրտը ի՞նչ անելու կմղի:

it-1, էջ 184–185

Ասա

Ջնայած որ Ասան որոշ դեպքերում իմաստություն և հավատ չդրսևորեց, լավ հատկությունների և մաքուր երկրպագությանը նվիրված մնալու ջնդիրիվ նա համարվեց Հուդայի շատավղի հավատարիմ թագավորներից մեկը (2Տգ 15:17): Ասայի 41-ամյա իշխանության տարիներին Իսրայելում 8 թագավորներ են ղեկավարել՝ Հերոբոամը, Նադաբը, Բաասան, Էլան, Ջամրին, Ամրին, Թաբնին (թագավորել է Իսրայելի մի մասի վրա ու եղել է Ամրիի հակառակորդը) և Աքաաբը (1Թգ 15:9, 25, 33; 16:8, 15, 16, 21, 23, 29): Ասայի մահից հետո թագավոր դարձավ նրա որդի Հովսափատը (1Թգ 15:24):

Հոգևոր գանձեր

w98 10/1, էջ 29–30

Աստված իրականություն է քեզ համար

Օրինակ՝ կարդա Երիցով քաղաքի վերակառուցման համար պատժի մասին արված մարգարեությունը, ապա ուշադրություն դարձրու դրա կատարման մասին հաղորդագրությանը: Յեսու 6:26–ում ասվում է. «Եւ Յեսուն երդում արաւ այն ժամանակ ասելով. Անիծեալ լինի Տիրոջ առաջին այն մարդը, որ վեր կենայ շինէ այս Երիցով քաղաքը. իր անդրանիկովը նորա հիմերը դնէ, եւ իր կրտսերովը նորա դռները կանգնեցնէ»: Այս մարգարեությունը կատարվեց այն գրվելուց շուրջ հինգ հարյուր տարի հետո, ինչպես կարդում ենք Գ Թագաւորաց 16:34–ում. «[Աքաաբ թագավորի] օրերում Բեթէլացի Յիէլը շինեց Երիցովը. իր Աբիրոն անդրանիկ որդիովը նորա հիմը դրաւ եւ իր Սեգուբ կրտսեր որդիովը կանգնեցրեց նորա դռները Տիրոջ խօսքին համեմատ որ խօսեց Նաւեան Յեսուի ձեռովը»: Միայն ճշմարիտ Աստծո ներշնչմամբ կարող էր նման մարգարեություն ասվել, և միայն նա կարող էր հոգ տանել դրա կատարման համար:

ՀՈԿՏԵՄԲԵՐԻ 3–9

ԳԱՆՁԵՐ ԱՍՏՄՈՒ ԽՈՍՔԻՑ | 1 ԹԱԳԱՎՈՐՆԵՐ 17–18

«Մինչև ե՞րբ պիտի երկու մտքի վրա կադաք»

w17.03, էջ 14, պրբ. 6

Հավատ դրսևորիր. իմաստուն որոշումներ կայացրու

⁶ Երբ իսրայելացիները բնակություն հաստատեցին Ավետյաց երկրում, նրանք կանգնեցին մի շատ կարևոր ընտրության առաջ՝ երկրպագել Եհովային, թե ծառայել ուրիշ աստծու կամ աստվածների (**կարդա Հեսու 24:15**): Կարող էր թվալ, թե դա մի սովորա-

կան որոշում էր, սակայն նրանց ընտրությունը նշանակելու էր կյանք կամ մահ: Հետագայում՝ դատավորների ժամանակներում, իսրայելացիները հաճախ սխալ ընտրություն էին անում. նրանք երես էին թեքում Եհովայից և կեղծ աստվածների պաշտում (Դատ. 2:3, 11–23): Ավելի ուշ՝ Եղիա մարգարեի օրերում, Աստծու ժողովուրդը դարձյալ կանգնեց ընտրության առաջ՝ ծառայել Եհովային, թե կեղծ աստված Բահադին (1 Թագ. 18:21): Եղիան ժողովրդին հանդիմանեց անվճար կան լինելու համար: Գուցե մտածես, թե ընտրությունը պարզ էր, չէ՞ որ Եհովային ծառայելը միշտ իմաստուն որոշում է: Ոչ մի խոհեմ մարդու չէր գրավի Բահադի երկրպագությունը: Սակայն իսրայելացիները «երկու մտքի վրա կաղում էին»: Եղիան նրանց իմաստուն խորհուրդ տվեց՝ հորդորելով երկրպագել ճշմարիտ Աստծուն՝ Եհովային:

ia, էջ 88, պրբ. 15

Նա պաշտպանեց ճշմարիտ երկրպագությունը

¹⁵ Բահադի մարգարեները «սկսեցին ավելի բարձր ձայնով կանչել ու իրենց սովորության համաձայն՝ մարմինները դաշույններով ու նիզակներով կտրատել, մինչև որ արյուն հոսեց նրանց վրայից»: Սակայն ապարդյուն: «Ոչ ձայն կար, ոչ պատասխան տվող, և ոչ էլ ուշադրություն դարձնող» (1 Թագ. 18:28, 29): Իրականում ոչ մի Բահադ գոյություն չունեիր: Նրան հորինել էր Սատանան՝ մարդկանց Եհովայից հեռացնելու համար: Ճշմարտությունն այն է, որ Եհովայից բացի ցանկացած մեկի որպես տիրոջ ընտրելը ի վերջո հիասթափեցնում է և նույնիսկ ամաչեցնում (*կարդա՛ր՝ Սաղմոս 25:3; 115:4–8*):

ia, էջ 90, պրբ. 18

Նա պաշտպանեց ճշմարիտ երկրպագությունը

¹⁸ Նախքան Եղիայի աղոթելը ժողովուրդը հավանաբար մտածում էր, թե արդյոք Եհովան

վան էլ Բահադի պես կեղծ աստված է: Սակայն աղոթքից հետո երկար մտածելու ժամանակ չեղավ: Աստվածաշնչում կարդում ենք. «Այս խոսքերի վրա Եհովայի կրակը իջավ ու խժոեց ողջակեզը, փայտերը, քարերը, հողը և փոսի միջի ջուրն էլ լափեց» (1 Թագ. 18:38): Ի՞նչ ազդու պատասխան: Իսկ ինչպե՞ս արձագանքեց ժողովուրդը:

Հոգևոր գանձեր

w08 4/1, էջ 19, շրջանակ

Նա դիտում էր և սպասում

Որքա՞ն տևեց Եղիայի օրերի երաշտը

Եղիա մարգարեն Աքաաթ թագավորին հայտնեց, որ երկարատև երաշտը շուտով ավարտվելու է: Այս բանը Եղիան տեղեկացրեց «երրորդ տարում»՝ ակներևաբար, հաշված այն օրից, երբ նա առաջին անգամ հայտնել էր դրա մասին (Գ Թագաւորաց 18:1): Այն բանից հետո, երբ Եղիան ասաց, որ վերջ է դրվելու երաշտին, Եհովան անձրև ուղարկեց: Ուստի ոմանք գուցե մտածեն, որ երաշտն ավարտվել է երրորդ տարվա ընթացքում, հետևաբար այն երեք տարուց ավելի կարճ է տևել: Սակայն թե՛ Հիսուսը, թե՛ Հակոբոսը նշել են, որ երաշտը տևել է «երեք տարի ու վեց ամիս» (Ղուկաս 4:25; Հակոբոս 5:17): Արդյո՞ք Աստվածաշնչում հակասական տեղեկություն կա:

Ո՛չ: Գուցե տեղյակ եք, որ հին Իսրայելում չոր եղանակը երկար էր տևում, մինչև վեց ամիս: Անկասկած, Եղիան եկավ Աքաաթի մոտ՝ հայտնելու երաշտի մասին այն ժամանակ, երբ չոր եղանակը արդեն սովորականից շատ ավելի երկար էր տևում և անտանելի էր: Սա նշանակում է, որ երաշտը սկսվել էր մոտավորապես կես տարի առաջ: Հետևաբար երբ Եղիան «երրորդ տարում» հայտնեց երաշտի ավարտի մասին, արդեն մոտ երեք ու կես տարի էր, ինչ երաշտը շարունակվում էր: «Երեք տարի ու վեց ամիսը» լրացավ այն ժամանակ, երբ ժողովուրդը հավաքվեց

Կարմեղոս լեռան մոտ՝ ականատես լինելու մի հետաքրքիր իրադարձության:

Ուստի տեսնենք, թե ինչ ազդեցություն գործեց Եղիայի առաջին այցը Աքաաբի վրա: Ժողովուրդը հավատում էր, որ Բահաղը «ամպեր հեծնող» աստված էր, որը կարող էր վերջ դնել չոր եղանակին՝ անձրև բերելով: Սակայն երբ չոր եղանակը սովորականից ավելի երկար տևեց, մարդիկ հավանաբար մտածում էին՝ «որտե՞ղ է Բահաղը, ե՞րբ է նա անձրև բերելու»: Եղիան հայտարարել էր, որ մինչև ինքը չհրամայի, ո՛չ անձրև և ո՛չ էլ ցող է լինելու: Այս հայտարարությունը հավանաբար անհանգստություն էր պատճառել Բահաղի երկրպագուներին (Գ Թագաւորաց 17:1):

ՀՈԿՏԵՄԲԵՐԻ 10–16

ԳԱՆՁԵՐ ԱՍՏԾՈՒ ԽՈՍՔԻՑ | 1 ԹԱԳԱՎՈՐՆԵՐ 19–20

«Մխիթարություն գտիր Եհովայի մոտ»

w19.06, էջ 15, պրբ. 5

Ապավինիր Եհովային, երբ սթրեսը քամում է ուժերդ.

⁵ **Կարդա 1 Թագավորներ 19:1–4:** Այնուամենայնիվ, երբ Հեզաբել թագուհին սպառնաց սպանել Եղիային, նա վախեցավ ու փախավ Բերսաբե: Նա այնքան վիստված էր, որ Աստծուց մահ խնդրեց: Եղիան հայտնվել էր այսպիսի վիճակում, քանի որ մեզ պես անկատար մարդ էր՝ «այնպիսի զգացմունքներ ուներ, ինչպիսիք որ մենք ունենք» (Հակ. 5:17): Հավանաբար, սթրեսը նրան ուժասպառ էր արել: Նա թերևս կարծում էր, թե ճշմարիտ երկրպագությունը վերականգնելու իր ջանքերը զուր են, թե Իսրայելում ոչ մի դրական փոփոխություն չկա, թե Եհովային երկրպագողներից միայն ինքն է մնացել (1 Թագ. 18:3, 4, 13; 19:10, 14): Այս հավատարիմ մարգարեի ապրումները գուցե զարմացնեն մեզ: Բայց Աստված հասկացավ նրան:

ia, էջ 103, պրբ. 13

Նա մխիթարություն գտավ իր Աստծու մոտ

¹³ Զո կարծիքով՝ ի՞նչ էր զգում Եհովան, երբ երկնքից նայում էր իր սիրելի մարգարեին, որն անապատում, ծառի տակ նստած, իր հոգու համար մահ էր աղերսում: Եկ տեսնենք: Երբ Եղիան քուն մտավ, Եհովան նրա մոտ մի հրեշտակ ուղարկեց: Այդ հրեշտակը, կամաց դիպչելով Եղիային, արթնացրեց նրան ու ասաց. «Վե՛ր կաց ու կե՛ր»: Մարգարեն լսեց նրան, վեր կացավ, կերավ նրա առաջ դրած մի կտոր տաք հացը և խմեց ջուրը: Ծնորհակալություն հայտնե՛ց նա հրեշտակին: Արձանագրության մեջ միայն ասվում է, որ նա կերավ, խմեց ու նորից քնեց: Արդյո՞ք մարգարեն այն աստիճան էր ընկճվել, որ չէր կարողանում խոսել: Ինչևէ, հրեշտակը նրան երկրորդ անգամ արթնացրեց՝ հավանաբար մայրամուտին: Մեկ անգամ ևս նա Եղիային ասաց՝ «վե՛ր կաց ու կե՛ր», ապա ավելացրեց. «Որովհետև ճանապարհդ երկար է լինելու» (1 Թագ. 19:5–7):

ia, էջ 106, պրբ. 21

Նա մխիթարություն գտավ իր Աստծու մոտ

²¹ Արձանագրությունը մեզ հայտնում է, որ Եհովան չէր գտնվում բնության տարերային այս ահազդու երևույթների մեջ: Եղիան գիտեր, որ Եհովան բնության առասպելական աստվածներից չէ, ինչպես օրինակ՝ Բահաղը, որին իր մոլորված երկրպագուները պաշտում էին որպես «ամպեր հեծնողի», այսինքն՝ անձրև բերողի: Եհովան է բնության բոլոր ուժերի Աղբյուրը, և նա անհամեմատ մեծ է իր ստեղծագործություններից, անգամ երկինքները չեն կարող պարունակել նրան (1 Թագ. 8:27): Ինչպե՞ս այս ամենն օգնեց Եղիային: Հիշիր, թե որքան էր վախեցել նա: Իրականում մարգարեն ոչ մի հիմք չուներ վախենալու Աքաաբից ու Հեզաբելից, քանի որ իր կողքին Եհովան էր՝ մեկը, ով անգերազանցե-

լի գորութեան ունի (**կարդա՛ Սաղմոս 118:6**):

ia, էջ 106, պրբ. 22

Նա մխիթարութեան գտավ իր Աստծու մոտ

²² Երբ կրակը չքացավ, լուծեցին տիրեց, և Եղիան լսեց «մի մեղմ, ցածր ձայն»: Այն առաջարկում էր մարգարեին կրկին արտահայտվել՝ սիրտը բաց անել և իր անհանգստությունների մասին պատմել երկրորդ անգամ: Հավանաբար դա թեթևացում բերեց նրան: Եղիային մեծապես մխիթարեց այն, ինչ հետո ասաց այդ «մեղմ, ցածր ձայնը»: Եհովան վստահեցրեց իր ծառային, որ նա ամենակին էլ անարժեք չէ իր աչքում: Իսկ ինչի՞ց էր դա երևում. Աստված շատ մանրամասնություններ հայտնեց իր հետագա նպատակների մասին, որոնք վերաբերում էին Իսրայելում Բահաղի երկրպագության դեմ մղված պայքարին: Հստակ է ուրեմն, որ Եղիայի աշխատանքը զուր չէր, քանի որ Աստծու նպատակը անշեղորեն առաջ էր ընթանում: Ավելին, մարգարեն այդ նպատակի մեջ իր դերն էր ունենալու, քանի որ Եհովան նրան կրկին գործի դրեց՝ տալով որոշ հրահանգներ (1 Թագ. 19:12–17):

Հոգևոր գանձեր

w97 11/1, էջ 31, պրբ. 2

Անձնագոհության և նվիրվածության օրինակ

Աստծու ծառաներից շատերը այսօր այդպիսի անձնագոհ ոգի են ցուցաբերում: Ոմանք թողել են իրենց «արտերը», աշխատանքը, որ բարի լուրը հոչակեն հեռավոր տարածքներում կամ ծառայեն Բեթելում: Ուրիշներն էլ այլ երկիր են տեղափոխվել, որ մասնակցեն աստվածապետական շինարարական նախագծերի: Ծառերն էլ աչքի չընկնող կամ «ոչ պատվաբեր» հանձնարարություններ են կատարում: Սակայն Եհովայի համար կատարված ոչ մի ծառայություն չի կարող անկարևոր համարվել: Եհովան գնահա-

տում է բոլորի ծառայությունը և կօրհնի նրանց անձնագոհության համար (Մկ 10:29, 30):

ՀՈԿՏԵՄԲԵՐԻ 17–23

ԳԱՆՁԵՐ ԱՍՏԾՈՒ ԽՈՍՔԻՑ | 1 ԹԱԳԱՎՈՐՆԵՐ 21–22

«Իշխանություն գործադրելու հարցում ընդօրինակիր Եհովային»

it-2, էջ 21

Զորքերի Տեր Եհովա

Երբ Հեսուն հրեշտակին տեսավ Երիքովի մոտ և հարցրեց՝ արդյոք նա Իսրայելի կողմից է, թե թշնամու, հրեշտակը պատասխանեց. «Ոչ մեկը և ոչ էլ մյուսը: Ես այստեղ եմ եկել որպես Եհովայի զորքերի իշխան» (Հեսու 5:13–15): Միքիա մարգարեն Աքաաբին և Հովսափատին ասաց. «Տեսա Եհովային իր գահի վրա նստած, և երկնքի բոլոր զորքերը՝ նրա կողքին կանգնած՝ նրա աջ ու ձախ կողմերում»: Նա ակներևաբար նկատի ուներ Եհովայի ոգեղեն որդիներին (1Թգ 22:19–21): «Զորքերի Տեր Եհովա» արտահայտությունը հոգնակի թվով տեղին է օգտագործված, քանի որ Եհովայի ոգեղեն որդիները ոչ միայն ըստ տեսակների են բաժանվում՝ քերովբեներ, սերովբեներ և հրեշտակներ (Ես 6:2, 3; Ծն 3:24; Հտն 5:11), այլ և կազմակերպված են ըստ խմբերի: Օրինակ՝ մի աղիթով Հիսուսն ասաց, որ կարող է Հորից խնդրել՝ «ավելի քան տասներկու լեգեոն հրեշտակ» ուղարկի իր համար (Մթ 26:53): Երբ Եզեկիան Եհովայից օգնություն էր աղերսում, այսպիսի խոսքեր ասաց. «Ո՛վ Զորքերի Տեր Եհովա, Իսրայելի՛ Աստված, որ նստած ես քերովբեների վրա»: Ակներևաբար նա նկատի ուներ ուխտի տապանակը և դրա վրայի ոսկեծուլ քերովբեները, որոնք խորհրդանշում էին Եհովայի երկնային գահը (Ես 37:16; համեմատիր 1Սմ 4:4; 2Սմ 6:2): Եղիսեի վախեցած ծառան գորացավ՝ տեսնելով, որ «լեռները

իրե մարտակառքերով ու ձիերով են լցված».
դրանք Եհովայի զորքերի մի մասն էին (2Թգ
6:15–17):

w21.02, էջ 4, պրբ. 9

«Ամեն տղամարդու գլուխը Քրիստոսն է»

՝ խոնարհություն: Եհովան ամենափմաստուն
Անձնավորությունն է, բայց լսում է իր ծա-
ռաների կարծիքը (Ծննդ. 18:23, 24, 32):
Նա թույլ է տալիս, որ իր իշխանության
տակ եղողները առաջարկներ անեն (1 Թագ.
22:19–22): Եհովան կատարյալ է, բայց
առաջմ մեզնից կատարելություն չի պա-
հանջում: Ընդհակառակը, նա օգնում է իրեն
ծառայող անկատար մարդկանց, որ հաջո-
ղության հասնեն (Սաղ. 113:6, 7): Աստվածա-
շունչը նրան նույնիսկ «օգնական» է կոչում
(Սաղ. 27:9; Եբր. 13:6): Մի առիթով Դավիթ
թագավորն ասաց, որ միմիայն Եհովայի խո-
նարհության շնորհիվ է կարողացել կատա-
րել իրեն հանձնարարված մեծամեծ գործերը
(2 Սամ. 22:36):

it-2, էջ 245

Սուտ

Աստված թույլ է տալիս, որ այն մարդիկ, ով-
քեր սիրում են սուտը, «ենթարկվեն մոլորութ-
յան ազդեցությանը, որպեսզի հավատան
ստին» և ոչ թե Հիսուս Քրիստոսի մասին բարի
լուրին (2Թղ 2:9–12): Դարեր առաջ Իսրայելի
Աքաաթ թագավորի հետ տեղի ունեցածը
դրա վառ ասպարեցն է: Կեղծ մարգարեները
Աքաաթին վստահեցնում էին, որ նա կհաղ-
թի Ռամոթ-Գադաադի դեմ պատերազմում,
սակայն Եհովայի մարգարե Միքիան աղետ
էր կանխատեսում: Ինչպես որ տեսիլքում Մի-
քիան տեսել էր, Եհովան ոգեղեն արարած-
ներից մեկին թույլ տվեց Աքաաթի մարգարե-
ների բերանում «խաբեության ոգի» դառնալ:
Նա դրդեց նրանց, որ ոչ թե ճշմարտությունն
ասեն, այլ այն, ինչ իրենք էին ուզում ասել, և
Աքաաթն էր ցանկանում լսել: Թեև Աքաաթին
նախապես զգուշացվել էր, նա նախընտրեց

հավատալ ստին և իր կյանքով վճարեց դրա
համար (1Թգ 22:1–38; 2Տգ 18):

Հոգևոր գանձեր

w21.10, էջ 3, պրբ. 4–6

Ո՞րն է անկեղծ զղջումը

4 Ի վերջո Եհովայի համբերության բաժակը
լցվեց: Նա Եղիային ուղարկեց, որպեսզի
Աքաաթին ու Հեզաբելին հայտնի նրանց դեմ
կայացված վճիռը, ըստ որի՝ նրանց ամբողջ
սերունդը բնաջինջ էր լինելու: Եղիայի խոս-
քերը վշտացրին Աքաաթին, և որքան էլ զար-
մանալի է, այդ գոռոզ մարդը «իրեն խոնար-
հեցրեց» (1 Թագ. 21:19–29):

5 Թեև Աքաաթը այդ ժամանակ խոնարհեց-
րեց իրեն, սակայն նրա հետագա գործերը
ցույց տվեցին, որ նա անկեղծորեն չէր զղջա-
ցել: Աքաաթը չփորձեց իր թագավորությու-
նից վերացնել Բահադի պաշտամունքը, ոչ էլ
նպաստեց ճշմարիտ երկրպագության առաջ-
խաղացմանը: Այն, որ Աքաաթը չէր զղջացել,
երևաց նաև նրա մյուս գործերից:

6 Ավելի ուշ Աքաաթը Հուդայի Հովսափատ թա-
գավորին ասաց, որ միանա իրեն ասորիներ-
ի դեմ պատերազմում: Հովսափատը ապա-
վինում էր Եհովային, ուստի առաջարկեց,
որ նախ Եհովայի մարգարեներից մեկին հարց-
նեն: Սկզբում Աքաաթը մերժեց այդ առաջար-
կը՝ ասելով. «Մի մարդ էլ կա, որի միջոցով կա-
րող ենք հարցնել Եհովային: Բայց ես ասում
եմ նրան, որովհետև իմ մասին բարի բաներ չի
մարգարեանում, այլ միայն չար բաներ»: Այ-
նուամենայնիվ, նրանք խորհուրդ հարցրին Մի-
քիա մարգարեից: Ինչպես և Աքաաթն ասում
էր, Աստծու մարգարեն վատ բաներ կանխա-
գուշակեց նրա մասին: Ջղջալու և Եհովայից
ներում խնդրելու փոխարեն թագավորը մար-
գարեին բանտ նետեց (1 Թագ. 22:7–9, 23,
27): Թեև նա բանտարկեց Աստծու մարգարեին,
բայց չկարողացավ խոչընդոտել մարգարեութ-
յան կատարմանը: Մարտի դաշտում Աքաաթը
սպանվեց (1 Թագ. 22:34–38):

ՀՈԿՏԵՄԲԵՐԻ 24–30

ԳԱՆՁԵՐ ԱՍՏԾՈՒ ԽՈՍՔԻՑ | 2 ԹԱԳԱՎՈՐՆԵՐ 1–2

«Ուրիշներին կրթելու լավ օրինակ»

Կ15 4/15, էջ 13, պրք. 15

Ինչպես կարող են երեցները կրթել եղբայրներին

¹⁵ Եղիսեի մասին արձանագրությունից նաև երևում է, թե ինչպես կարող են եղբայրները հարգանք դրսևորել փորձառու երեցների նկատմամբ: Երիցովում մի խումբ մարգարեների այցելելուց հետո Եղիան ու Եղիսեն քայլեցին դեպի Հորդանան գետը: Այնտեղ «Եղիան վերցրեց իր հանդերձը, ծալեց այն ու դրանով հարվածեց ջրին, և ջուրը այս ու այն կողմ բաժանվեց»: Գետն անցնելուց հետո նրանք շարունակեցին «քայլելով խոսել»: Հստակ է, որ Եղիսեն չէր մտածում, թե ինքն արդեն ամեն ինչ գիտի: Ընդհուպ այն պահը, երբ Եղիան հեռացավ, Եղիսեն որսում էր ուսուցչի բերանից դուրս եկած ամեն մի բառը: Հետո Եղիան մրրիկով երկինք բարձրացավ: Ավելի ուշ Հորդանան գետի մոտ Եղիսեն մարգարեի հանդերձով հարվածեց ջրին՝ ասելով. «Որտե՞ղ է Եհովան՝ Եղիայի Աստվածը»: Եվ ջրերը կրկին բաժանվեցին (2 Թագ. 2:8–14):

Կ15 4/15, էջ 13, պրք. 16

Ինչպես կարող են երեցները կրթել եղբայրներին

¹⁶ Նկատեցի՞ր, որ Եղիսեի առաջին հրաշքը ճիշտ և ճիշտ Եղիայի վերջին հրաշքն էր: Ինչո՞ւ է սա ուշագրավ: Ակնհայտ է՝ Եղիսեն չմտածեց, որ եթե այժմ ինքն է «ղեկին», ուրեմն պետք է անմիջապես փոխի «ուղղությունը»: Ընդհակառակը՝ նա շարունակեց վարվել այնպես, ինչպես Եղիան էր վարվում իր ծառայությունը կատարելիս՝ այդպիսով հարգանք դրսևորելով իր ուսուցչի նկատմամբ: Դա տեսնելով՝ մյուս մարգարե-

ները վստահությամբ լցվեցին նրա հանդեպ (2 Թագ. 2:15): Եղիսեն 60 տարի ծառայեց որպես մարգարե, և Եհովան նրան զորություն տվեց կատարելու ավելի շատ հրաշքներ, քան Եղիան էր արել: Ի՞նչ կարող ես սովորել:

Հոգևոր գանձեր

Կ05 8/1, էջ 9, պրք. 1

Ուշագրավ մտքեր «Դ Թագաւորաց» գրքից

2:11 — Ի՞նչ է այն «երկինքը», ուր «Եղիան մրրիկով վեր ելավ»: Դա տիեզերքի ինչ-որ հեռավոր վայր չէր և ոչ էլ այն հոգևոր վայրը, որտեղ ապրում են Աստված ու նրա հրեշտակները (Բ Օրինաց 4:19; Սաղմոս 11:4; Մատթեոս 6:9; 18:10): Այդ «երկինքը», ուր ելավ Եղիան, սովորական երկինքն էր՝ մթնոլորտը (Սաղմոս 78:26; Մատթեոս 6:26): Երկրի մթնոլորտով արշավելով՝ հրեղեն կառքը Եղիային, ակներևաբար, տեղափոխեց երկրի մեկ այլ վայր, որտեղ էլ նա մի որոշ ժամանակ շարունակեց ապրել: Այս մասին է վկայում այն, որ տարիներ անց Եղիան նամակ գրեց Հուդայի Հովրամ թագավորին (Բ Մնացորդաց 21:1, 12–15):

ՀՈԿՏԵՄԲԵՐԻ 31–ՆՈՅԵՄԲԵՐԻ 6

ԳԱՆՁԵՐ ԱՍՏԾՈՒ ԽՈՍՔԻՑ | 2 ԹԱԳԱՎՈՐՆԵՐ 3–4

«Վերցրո՛ւ քո որդուն»

Կ17.12, էջ 4, պրք. 7

«Գիտեմ, որ.... հարություն կառնի»

⁷ Աստվածաշնչում նկարագրված երկրորդ հարությունը տեղի ունեցավ Եղիային հաջորդած Եղիսե մարգարեի ձեռքով: Սուրճաբույսը մի ճանաչված խորաշերտի կին երեխա չունեց: Նա հյուրասիրություն ցույց տվեց Եղիսեին, և Աստված օրհնեց այդ կնոջն ու նրա տարեց ամուսնուն՝ նրանց որդի պարգևելով: Սակայն

մի քանի տարի անց տղան մահացավ: Պատկերացրու միակ զավակին կորցրած այս մոր վիշտը: Ամուսնու թուլշտվությամբ նա գնաց Կարմեղոս լեռ՝ Եղիսեի հետևից՝ անցնելով մոտ 30 կիլոմետր (19 մղոն): Լսելով տեղի ունեցածի մասին՝ մարգարեն այդ կնոջ հետ ճանապարհ ընկավ դեպի Սոնամ, բայց իրենից առաջ ուղարկեց իր սպասավորին՝ Գեեզիին: Սակայն Գեեզին չկարողացավ մահացած տղային կենդանացնել (2 Թագ. 4:8–31):

Մ17.12, էջ 5, պրբ. 8

«Գիտեմ, որ.... հարություն կառնի»

⁸ Տուն մտնելով՝ Եղիսեն մոտեցավ երեխայի մարմնին ու սկսեց աղոթել Աստծուն: Եվ տղան հրաշքով կենդանացավ (**կարդա 2 Թագավորներ 4:32–37**): Ուրախությունից ինչպե՞ս էր ցնծում նրա մոր սիրտը: Վերջինս հավանաբար հիշեց նախկինում ամուլ կնոջ՝ Աննայի խոսքերը, որ նա ասել էր Աստծուն, երբ Սամուելին բերել էր խորան՝ այնտեղ ծառայելու. «Եհովան է կյանքից զրկում ու կյանք տալիս, գերեզման իջեցնում ու այնտեղից դուրս բերում» (1 Սամ. 2:6): Աստված բառի բուն իմաստով կյանք տվեց սունամացի տղային և փաստեց, որ կարող է հարություն տալ մահացածին:

Հոգևոր գանձեր

it-2, էջ 697, պրբ. 2

Մարգարե

«Մարգարենների որդիներ»: Ինչպես բացատրվում է մի աշխատության մեջ (Gesenius' Hebrew Grammar, Oxford, 1952թ., էջ 418), եբրայերեն «բեն» (որդի) և «բենե» (որդիներ) բառերը կարող են վերաբերել «համայնքի կամ միության (ցեղի կամ որոշակի դասի) անդամակցությանը» (հմմտ. Նեմ 3:8, որտեղ օգտագործված «քուռք պատրաստողներից [մեկը]» արտահայտությունը բառացի նշանակում է «քուռք պատրաստողների որդի»): Հետևաբար «մարգարենների որդի»

ներ» արտահայտությունը կարող է վերաբերել մարգարենների դպրոցին կամ նրանց միությանը: Աստվածաշնչում նշված է մարգարենների այդպիսի խմբերի մասին, որոնք եղել են Բեթելում, Երիքովում և Գադգադայում (2Թգ 2:3, 5; 4:38; հմմտ. 1Սմ 10:5, 10): Սամուելն առաջնորդում էր մարգարենների մի խմբի Ռամայում (1Սմ 19:19, 20), Եղիսեն էլ նմանատիպ պատասխանատվություն ուներ իր օրերում (2Թգ 4:38; 6:1–3; հմմտ. 1Թգ 18:13): Նրանք էին իրենց բնակավայրը կառուցում, իսկ գործիքներն ուրիշից էին վերցնում, ինչը ցույց է տալիս, որ պարզ կյանքով էին ապրում: Թեև մարգարենները հաճախ միասին էին ապրում և ուտում, երբեմն առանձին ճամփորդում էին՝ որպես մարգարե իրենց նշանակումը կատարելու համար (1Թգ 20:35–42; 2Թգ 4:1, 2, 39; 6:1–7; 9:1, 2):